

Broj: 02D-5874-16/23

Datum: 07.09.2023.godine

Na osnovu člana 69. stav 1. tačka b) Zakona o javnim nabavkama („Sl. glasnik BiH“, broj 39/14, 59/22) i Rješenja Ureda za razmatranje žalbi broj JN2-03-07-1-1867-7/23 od 01.09.2023. godine u postupku javne nabavke „Dijagnostička sredstva za koagulaciju i imunohemiju“, direktor Javne ustanove Opća bolnica „Prim.dr.Abdulah Nakaš“, je donio

### ODLUKU o poništenju postupka javne nabavke

#### Član 1.

Poništava se Rješenje broj 02D-5874-9/23 od 05.07.2023. godine, predmetni postupak javne nabavke roba "Dijagnostička sredstva za koagulaciju i imunohemiju" u dijelu Lot-a 2 – Reagensi i potrošni materijal za imunohemijski analizator Vitros Eciq i tenderska dokumentacija za navedeni lot iz razloga što je Ured za razmatranje žalbi prihvatio žalbu Žalitelja ADRIALINE d.o.o. Banja Luka kao osnovanu u cijelosti.

Tenderska dokumentacija u dijelu za lot 1 – Reagensi i potrošni materijal za automatski koagulometar zatvorenog tipa se ne poništava.

#### Član 2.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama

#### Član 3.

Ova odluka stupa na snagu danom donošenja.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02D-5874-1/23 od 26.05.2023. godine odnosno **02D-5874-3/23 od 06.06.2023. godine.**

Javna nabavka je sprovedena putem **otvorenog postupka.**

Procijenjena vrijednost javne nabavke bez PDV-a je do **280.000,00 KM na dvogodišnjem nivou,** odnosno po lotovima (na dvogodišnjem nivou) kako slijedi:

1. LOT 1 – Reagensi i potrošni materijal za automatski koagulometar zatvorenog tipa:  
79.260,00 KM
2. LOT 2 – Reagensi i potrošni materijal za imunohemijski analizator Vitros EciQ:  
200.740,00 KM

Obavještenje o nabavci broj: 1125-1-1-151-3-112/23, poslato je na objavljivanje dana **09.06.2023. godine**, a objavljeno je na Portalu javnih nabavki dana **09.06.2023. godine**, Sažetak Obavještenja o nabavci objavljen je u Sl. glasniku BiH broj: **43/23 od 16.06.2023. godine**.

Komisija za nabavku, imenovana je Rješenjem broj: **02D-5874-2/23 od 26.05.2023. godine**.

Ugovorni organ je dana 09.06.2023. godine objavio tendersku dokumentaciju na Portalu javnih nabavki na koju je ponuđač ADRIALINE d.o.o. Banja Luka uložio žalbu.

Ugovorni organ je razmatrajući navode iz žalbe zaključio da je žalba djelimično osnovana te donio Rješenje o usvajanju žalbe kao djelimično osnovane broj 02D-5874-9/23 od 05.07.2023. godine.

Nezadovoljan predmetnim Rješenjem žalitelj ADRIALINE d.o.o. Banja Luka je dana 14.07.2023. godine uložio žalbu koju je Ugovorni organ ocijenio neosnovanom i uz Izjašnjenje i kompletnu dokumentaciju dostavio Uredu za razmatranje žalbi dana 19.07.2023. godine.

Ured za razmatranje žalbi je razmatrao žalbu, te donio Rješenje broj JN2-03-07-1-1867-7/23 od 01.09.2023. godine koje je ugovorni organ zaprimio 04.09.2023. godine, kojim je usvojena žalba i poništeni sljedeći akti: Rješenje broj 02D-5874-9/23 od 05.07.2023. godine, predmetni postupak javne nabavke roba "Dijagnostička sredstva za koagulaciju i imunohemiju" u dijelu Lot-a 2 – Reagensi i potrošni materijal za imunohemijski analizator Vitros Eciq i tenderska dokumentacija za navedeni lot.

Tenderska dokumentacija u dijelu za lot 1 se ne poništava.

Iz navedenih razloga, primjenom člana 69. stav (1) tačka b) Zakona o javnim nabavkama, odlučeno je kao u članu 1. ove odluke.

## POUKA O PRAVNOM LIJEKU

Protiv ove Odluke može se pokrenuti upravni spor podnošenjem tužbe Sudu BiH u roku od 30 dana od dana prijema rješenja.

### PRIPREMILA:

Amira Petrović, BA općeg prava

Šef Odsjeka za javne nabavke

### Dostaviti:

- Ponuđačima
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke
- a/a.



**DIREKTOR**

**Prof. dr. Ismet Gayrap** petanović